



mjesečni Bilten

omladinska mreža bosne i hercegovine

septembar
rujan

2019.

244

Dragi prijatelji/ce,

Predstavljamo vam **septembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



S A D R Ž A J

Aktivnosti u septembru 2019.	2
Planovi za oktobar 2019.	6
Aktivnosti članova mreže.....	7
Saopštenja/informacije/donatori/pozivi	22

Uživajte u čitanju!

AKTIVNOSTI ORC/HCA U SEPTEMBRU 2019.

Trening izgradnje kapaciteta - Bjelašnica

Kroz projekat Citizens Against Terrorism (CAT) održan je trening izgradnje kapaciteta za članove CAT tima u periodu od 12. do 16. septembra na Bjelašnici.

U toku petodnevnih sesija članovi CAT tima su radili na smjernicama za dalji rad na projektu i njegovoj realizaciji, kao i na izgradnji povjerenja između članova tima.



Deset članova tima imalo je priliku da usvoji nova znanja iz raznih oblasti, kao što su teme o nasilnom ekstremizmu u globalnom kontekstu, gdje je predavač bio Vlado Azinović, kreiranju nekonvencionalnog sadržaja za društvene mreže, predavač Aleksandar Trifunović, građanskom novinarstvu sa predavačicom Velmom Šarić, nasilni ekstremizam u kontekstu BiH i izgradnja mira - Bojan Stančević, digitalnom omladinskom aktivizmu sa Marinelom Szymańska, event menadžmentu i uključivanju zajednice sa predavačem Ilijom Jovanović.



Projekat Citizens Against Terrorism, koji realizuje ORC Tuzla, podržan je od strane BHRI (Bosnia and Herzegovina resilience initiative).

OMLADINSKA AKCIJA #ŠarašLiKući



Omladinski resursni centar Tuzla je, u sklopu projekta Citizens Against Terrorism (CAT) 26. septembra u Omladinskom Centru Brčko, zajedno sa CAT Ekipom Brčko, održao omladinsku akciju sa ciljem promovisanja prevencije delikvencije, tačnije, ilegalnih graffita koji promovišu govor mržnje.

Lokalni CAT tim iz Brčkog razgovarao je sa građanima, posebice mladima o problemu vandalizma i govora mržnje, koji je sve više prisutan u njihovom gradu.

Oni su istakli da možda čak i na komšijskoj kući, zgradi ili susjednoj javnoj ustanovi postoje graffiti koji pozivaju na govor mržnje, ponižavanje i omalovažavanje određene nacionalne skupine, a da građani ništa ne poduzimaju kako bi osudili takav vid izražavanja, zato su oni kao lokalni tim

direktno radili na osvješćivanju građana i ukazivanju na očit problem u vidu buduće prevencije sličnih dešavanja u Brčkom.

Naš grad = Naša kuća!

CAT tim Foča

Tim mladih – CAT Tim Foča je tokom septembra počeo sa kampanjom protiv deklivencije sa nazivom: **#DOSTAJE**. U okviru ovoga, CAT tim Foča je radio na detaljnom planiranju aktivnosti. 11. Septembra održali smo interaktivnu radionicu za učenike osnovnih i srednjih škola na teme: stereotipi, predrasude i delikvencija. Učesnicima smo iznosili svoja viđenja i iskustva vezana za ove teme. Takođe su učesnici raspoređeni u grupe predstavili neki od problema u Foči, te rješenja za iste. Radionica je trajala 2 sata, a na njoj je učestvovalo dvanaest učesnika i tri člana CAT tima Foča.



Za naredne dane CAT tim Foča planira oslikavanje murala.

Globalni protesti protiv klimatskih promjena 2019

Ovaj globalni pokret inspirisala je tinejdžerka Greta Thunberg, organizovanjem protesta ispred švedskog parlamenta i pozivanjem političara i poslovnih ljudi da hitno poduzmu akciju radi eliminisanja štetnih gasova.

Protestujući 20. i 27. septembra u nekoliko zemalja, demonstranti se nadaju da će izvršiti pritisak na političare i kreatore politike da djeluju u vezi s klimatskim pitanjima.

Proteste će podržati i brojni učenici koji će izaći sa časova i predavanja, kako bi se uputio poziv na urgentnu akciju u vezi s klimom. Osim toga, ove proteste podržavaju sindikati, humanitarne organizacije, kompanije i političari.

Protesti će biti održani i u nekoliko bh. gradova među kojima se nalazi i Tuzla, na čijim protestima su učešće ispred Omladinskog resursnog centra Tuzla uzeli Mirela Biković i Benjamin Burek.



Omladinska grupa ORC Tuzla

Sastanak Koalicije za borbu protiv mržnje



Sastanak je održan u prostorijama Mreže Aktivnog starenja na Skveru u Tuzli, na kojem je bilo prisutno 15 članova Koalicije za borbu protiv mržnje, predstavnici 10 organizacija: Forum građana Tuzla, Omladinski Resursni Centar, Asocijacija srednjoškolaca, Feniks, Vijeće mladih, Zemlja Djece, Evropski Parlament mladih, Let's Do It, Omladinski Pokret Revolt, Vive Žene, Mreža Aktivnog starenja i PEKS.

Na sastanku se razgovaralo o dosadašnjim realizovanim aktivnostima Koalicije za borbu protiv mržnje.

Pored toga razgovaralo se i o budućim aktivnostima koje, a jedna od njih je i akcija čišćenja Ilinčice, koju svake godine organizuje jedna od članica koalicije „Let's do it“. Na sastanku je prisustvovao Benjamin Burek.

Akademija RUN - Madrid

Predstavnici ORC Tuzla, Slobodan Blagovčanin i PRONI Center for youth development, Dejan Rađen su, u periodu od 8. Do 11. Septembra bili u glavnom gradu Španije na trećem susretu mladih uključenih u Akademiju za osnaživanje mladih.

Akademija je okupila 26 mladih iz 12 država Evropske Unije i BiH, a naši predstavnici su, tokom trodnevnog događaja imali priliku da prezentuju rad naših organizacija na temama borbe protiv radikalizma, nasilnog ekstremizma i terorizma.

Program je podržan od strane Evropske Komisije - Radicalisation Awareness Network - RAN YOUNG.



Putovanje Evropom

U organizaciji EU Info Centara, tokom septembra u Srebreniku i Loparama mladi su imali priliku da, kroz kroz formu piknika razgovoraju o mobilnosti BH mladih i mogućnostima za besplatna i jeftina putovanja Evropom i svijetom. Svoja iskustva sa putovanja, zanimljive priče i događaje iz mnogih država sa mladima iz Srebrenika su podijelili Adnan Mujanović, i projekt menadžer ORC Tuzla, Slobodan Blagovčanin.



REDOVNE AKTIVNOSTI ORC i hCa TUZLA

Tokom septembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA OKTOBAR 2019.

- Nastavak implementacije nove kampanje - „CAT 19“. U okviru ovog projekta u naredom periodu naše aktivnosti su: organizovanje uličnih akcija CAT timova iz Brčkog, Foče i Tuzle, nastavak sa implementacijom globalne on-line i off-line kampanje po Bosni i Hercegovini, priprema nagradnih igara, kao i odabiranje najboljih radova u formi: kratke priče, mima i promotivnih materijala kampanje.
- Početak aktivnosti ALF BH mreže (2019. – 2021). U okviru ovoga smo već pripremili on-line anketu za članice nacionalne mreže ALF BiH, kako bi mapirali njihove kapacitete, slabosti i snage, te motivaciju za učešće u zajedničkim aktivnostima ALF BiH. Isto tako, pripremamo i godišnji sastanak članica ALF BiH, koji će biti održan u Tuzli, u periodu od 11. do 13. oktobra
- Nastavak apliciranja za projekte i učešće u partnerskim projektima u regiji
- Nastavak aktivnosti u okviru partnerskog projekta koji vodi PRONI Brčko – “Mladi u borbi protiv nasilnog ekstremizma”, a u okviru programa MATRA Nizozemske ambasade u Sarajevu.



AKTIVNOSTI ČLANICA OMLADINSKE MREŽE BiH



HO „PARTNER“ Banja Luka

Ul. Srđe Zlopogleđe 55, 78000 Banjaluka

Tel./fax: +387 51 250 730

E-mail: partner@teol.net

Web: www.hopartner.org

Filmovi koji mijenjaju perspektivu deveti put u Banjoj Luci

ČEKAMO VAS NA FILMSKOM FESTIVALU „UHVATI FILM-BANJALUKA“



Filmski festival „Uhvati film – Banjaluka“ održaće se od 9. do 11. oktobra 2019. godine u Banjaluci. Svečano otvaranje biće upriličeno 9. oktobra u CineStar Delta Planet (Sala 5), sa početkom u 18.30, a naredna dva dana, 10. i 11. oktobra, projekcija filmova i prateći program nastaviće se u Muzičkom paviljonu „Staklenac“.

Za vrijeme trajanja Konkursa za dostavljanje filmova na ovogodišnji „Uhvati film“ festival pristiglo je 586 filmova iz 88 država svijeta. U okviru filmskog programa na Festivalu u Banjaluci, u periodu od 9. do 11. oktobra 2019, premijerno biće prikazana 24 filma, koji filmskim pristupom o invalidnosti otvaraju tabu teme i mijenjaju perspektive. Prateći program festivala su panel diskusije na teme *Razbijajući predrasude kroz umjetnost* (moderator: Dušica Lipovac) i *Žena juče, danas, sutra* (moderator: Ana Kotur Erkić), sa zanimljivim gostima iz svijeta filma, kulture, umjetnosti, novinarstva, sporta... Program Festivala će upotpuniti i gostovanje Nebojše Kuruzovića - "Poesy za jednu osobu".

Cilj „Uhvati film“ festivala je da se kroz filmsku umjetnost doprinese smanjenju socijalne distance prema osobama s invaliditetom promovišući potencijale i mogućnosti. Veoma je bitno da osobe s invaliditetom kulturna zajednica prepozna kao stvaraocce, tako i kao konzumente kulture. Filmski festival koji prikazuje filmove na temu invalidnosti i osoba s invaliditetom mijenjajući perspektivu i rušeći predrasude, u Banjaluci se održava od 2011. godine. Potpisivanjem Sporazuma o saradnji sa Međunarodnim filmskim festivalom „Uhvati sa mnom ovaj dan-uhvati film“, postao je jedinstven regionalni filmski festival koji se, osim Banjaluke i Novog Sada, održava i u Rijeci i Kotoru.

Humanitarna organizacija „Partner“ kao organizator Festivala se zahvaljuje svima onima koji su pomogli u njegovoj pripremi, te svim pisanim i elektronskim medijima, koji iz godine u godinu upoznaju javnost sa „Uhvati film“ festivalom, kao i organizacionom timu Festivala koji godinama s velikom predanošću radi na njegovoj pripremi i realizaciji.

Ovogodišnji „Uhvati film – Banjaluka“ festival podržali su Ministarstvo prosvjete i kulture Republike Srpske, Grad Banja Luka, Biblioteka za slijepa i slabovidna lica Republike Srpske i CineStar „Delta Planet“ Banjaluka, dok je medijski pokrovitelj Radio-televizija Republike Srpske.

Za sve dodatne informacije možete da nas kontaktirate putem telefona 065 228 934 i putem imejla: uhvatifilm.bih@gmail.com ili dusica.lipovac1@gmail.com.

Više informacija o „Uhvati film-Banjaluka“ festivalu možete potražiti na <http://bih.uhvatifilm.org>.



uhvaTi film
NOVI SAD • BANJA LUKA • RIJKA • KOTOR

MEĐUNARODNI FILMSKI FESTIVAL

UHVATI FILM

BANJA LUKA

SVEČANO OTVARANJE
09.10.2019. u 18:30h
CineStar Delta Planet (Sala 5)

Muzički paviljon „Staklenac“
10.10. i 11.10.2019. od 16:00h

ČEKAMO VAS DA ZAJEDNO „HVATAMO“ FILMOVE
KOJI MIJENJAJU PERSPEKTIVU!

Ulaz slobodan!

CineStar
CINEMAS

REPUBLICA SRPSKA
MINISTARSTVO PROSVETE I KULTURE

GRAD BANJA LUKA
CITY OF BANJA LUKA

БСРС
Босанска Српска

РТРС
Радио Телевизија Републике Српске

partner
HUMANITARIAN ORGANIZATION



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnom aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su kreirali edukativne stvari uz pomoć lokalnih i međunarodnih volontera. Grupa najmlađih učesnika je imala priliku napraviti razne figure malih čudovišta od papira, hobotnice od žice, leptire i jastoge, te papirne narukvice i ostale zanimljive predmete. Kao i prošlog mjeseca, vježbali smo riječi na engleskom jeziku na temu sezonskog voća i

povrća, domaćih i divljih životinja, te na temu ljeto-more, sladoled, lubenica, suncobran i učili nove riječi vezane za vrste sportova: fudbal, klizanje na ledu, bejzbol i skijanje. Učesnici su takođe nastavili vježbati abecedu, azbuku i pisanje vlastitog imena, te su ponavljali dijelove tijela na engleskom jeziku. Na muzičkim radionicama su i ovaj mjesec muzicirali zajedno na raznim udaraljkama i akustičnim instrumentima, te su učili novu pjesmicu „Crab song“. Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje na kojima su učesnici i ovaj mjesec pravili kreacije koristeći razne materijale. Pravili su model 3D vjetrenjače, vježbali kako nacrtati portret, rezbarili sapun, te pravili dekoracije od gline i plastelina, te savodenim bojama i temperama. Utorkom su učesnici vježbali engleski jezik kroz svakodnevnu komunikaciju i korištenje pridjeva za opisivanje ljudskog tijela. Srijedom su crtali i čitali stripove o „Nestašnom vuku“, a četvrtkom su se družili uz sportske aktivnosti društvene i teambuilding igre, te karaoke a petkom su nastavili raditi na slobodnim temama kreativnog izražavanja. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

Radionice gitare

Učesnici radionice gitare u septembru su nastavili sa redovnim radom.

Radionice sambe

Učesnici ove radionice ponavljali su kompozicije iz prethodnih mjeseci.

Radionice komunikacije na engleskom jeziku

Međunarodni volonter iz USA John Richardson je održao seriju radionica komunikacije na engleskom jeziku za mlade iz Brčko distrikta, koji već govore ili žele poboljšati komunikaciju engleskog jezika. Na radionicama su radili teme iz svakodnevnice –muzika, filmovi, hrana, hobiji.

Ljetni kampovi 2019.

Omladinska organizacija Svitac je krajem avgusta organizovala „Ljetne kampove“ (kreativni, muzički i jezički kamp) za djecu i mlade sa područja Brčko distrikta. Sve aktivnosti su se održavale u Omladinskom centru Brčko distrikt od 10:00 do 12:00 časova. Kamp je trajao od 26. 08. do 30. 08. 2019. sa finalnom završnicom i eventom „Dječiji Dan“, koji je održan 31. 08. 2019. Program za Dječiji Dan je počeo u 12:00 časova, a pozvani su roditelji i prijatelji svih učesnika, kada su učesnici zajedno sa svojim timovima prezentovali šta su naučili na muzičkom, kreativnom i jezičkom kampu. Održan je kratki muzički/zabavni program, izložba crteža i radova, te organizovane razne takmičarske igre i Bingo (tombola). Učesnici su nakon Binga mogli da uz osvježenje, muziku i druženje uživaju u ljetnom danu.



Kreativni kamp



Tema kreativnog kampa je bila „Ekologija - Eko kultura“. Učesnici su prvenstveno imali priliku da kroz druženje i igru nauče više o zaštiti životne sredine, kako očuvati prirodne resurse, naučiti o ugroženim vrstama životinja, reciklirati razne materijale u korisne svrhe, te spojiti zabavno učenje sa ekologijom i raznim prirodnim materijalima i materijalima za reciklažu. Materijali koji su se koristili su: plastične flaše i kanisteri, kartonske kutije, perje, lišće, vodene boje, masne boje, karton, plastične vreće, toalet rolnice, makaze, ljepilo, olovke, papiri, glina/glinamol, plastelin,

boje u spreju i razne druge vrste ukrasnih papira, hamer papira i dekoracija.

Jezički kamp

Učesnici jezičkog kampa imali su priliku prisustvovati radionicama na engleskom, njemačkom, turskom i japanskom jeziku. Bila je to lijepa promjena od svakodnevnice rutine za sve i bila je vrlo dinamična i motivirajuća za učesnike. Tokom radionica naučili su i poboljšali svoj vokabular vezan uz ekologiju i okoliš, te učestvovali u zanimljivim aktivnostima koje su za njih pripremili lokalni i međunarodni volonteri. („Pomoć okolišu“, „Kako si zelen/a?“, „Vrijeme u mojoj zemlji“, Dan Zemlje, Dan životinja, Dan zelenih prstiju).



Muzički kamp

Aktivnosti na radionicama muzičkog kampa počinjale su kratkim zagrijavanjem, da bi se zatim prešlo na igre ritma, metrike, dinamike i timskog rada. Nakon ovoga učesnici su diskutovali na temu čovjekove okoline dajući odgovore na pitanja kao što su: šta je to čovjekova okolina, uloga i uticaj čovjeka na životnu sredinu, zagađenje (kontaminacija), u kakvoj okolini živimo i šta možemo učiniti da je zaštitimo, šta može da učini lokalna vlast, šta može da se učini na globalnom nivou, dokle sežu naše odgovornosti, ko su najveći zagađivači (građani ili korporacije). Na osnovu dobijenih odgovora učesnici su zajedno radili na tekstu za pjesmu kojoj su dali naslov: „Smeće niko neće“. Kao udaraljke korištene su plastične i metalne korpe različitih veličina. Učesnici su od plastičnih flaša pravili palice, a od čepova plastične kastanjete. Samba instrumenti (surdo, repenique, tamborim, caixas i agogos) i boomwhackersi korišteni su kao izvori zvuka kojima učesnici nisu izloženi u svakodnevnom životu. To su instrumenti koji se ne koriste u formalnom muzičkom obrazovanju u osnovnim i srednjim školama. Sa ovim instrumentima učesnici su improvizirajući sastavili kratku ritmičku frazu koja je poslije aranžirana u kompoziciju u trajanju od 3 minute i za koju su učesnici takođe snimali vokale. U toku programa Dječijeg dana, pjesma je uz prateći video prikazana publici u Omladinskom centru u Brčkom.



Međunarodni Dan Demokratije

Po UN-ovoj konvenciji 15-og septembra se obilježava Međunarodni dan Demokratije. Tim povodom Omladinska organizacija Svitač je održala radionicu za uzrast od 4 do 7 godina. Učesnici su se najprije upoznali sa pojmom demokratije prilagođeno njihovom uzrastu. Nakon toga, svaki učesnik je izradio po jednu ruku od papira koju su nakon ukrašavanja i kruženja lijepili na pano formirajući cvijet u čijoj sredini su bile ispisane riječi asocijacije na naučeni pojam 'demokratija' (na engleskom, njemačkom i B/S/H jeziku). Cilj aktivnosti je bio da učesnici shvate da te ruke predstavljaju njihova prava na glasanje i sudjelovanje u budućim odlučivanjima. Radionici je prisustvalo 14 djece. Radionica je održana u Omladinskom centru Brčko distrikta.

Međunarodni dan mira

Svitač je 21. 09., zajedno sa članovima ekološkog tima i volonterima iz Slovenije i Njemačke, obilježio Međunarodni dan mira. Na trgu smo pitali građane Brčko distrikta šta za njih znači mir, te na putu prema izletištu Ficibajer očistili stazu i pokazali da „nije naše smeće, ali jeste naš grad“. Drugi dio radionice je takođe održan na otvorenom (izletište Ficibajer); tu smo razgovarali o značenju mira i sigurnosti u svijetu, te napravili plakat sa mirovnim porukama i lanac od papirnih bijelih golobova, koji smo ostavili kao poruku ostalima. Mladi su još jednom pokazali koliko im je važan mir i zdrava, očuvana okolina, te su naglasili da su mir i priroda most između nas i budućnosti.

Za najmlađe učesnike je organizovana radionica na kojoj su imali zadatak prepoznati znak mira, koji je bio predstavljen na tabli, te su učili o značenju golubice mira. Drugi zadatak je bio naučiti englesku frazu „Želimo mir“. Na kraju radionice radili su kreativni dio bojeći radni list.

Za oktobar se planira nastavak svih redovnih radionica Omladinske organizacije Svitač.



H.O. MUSLIMANSKO DOBROTVORNO DRUŠTVO – MERHAMED DOBOJ

Ul. Kralja Aleksandra 17, 74000 Dobož
Tel./fax: +387 53 226 886
E-mail: merhamet.doboj@cutuk.net
FB: www.facebook.com/Merhamet-Doboj

Osim stalnih aktivnosti koje podrazumijevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Dobož je tokom septembra radio na sljedećem:

10. septembra se održala konferencija „Promocija društvene kohezije i različitosti naroda u BiH“, kojoj su prisustvovali aktivisti "Merhameta" Dobož. Na konferenciji je prezentovan projekat: "Promocija društvene kohezije i različitosti naroda BiH". Nosio aktivnosti je PRO-BUDUĆNOST-NVO. Projekat je osmišljen kako bi se identifikovali trenutni i anticipirani budući izazovi izgradnji povjerenja u lokalnim zajednicama, konferencija je bila veoma uspješna.



Humanost je vrlina samo rijetkih i odabranih



Hadž. Avdić Faketa i Habibović Almasa su odlučile da posjete naše Dobožke koje borave u staračkom domu u Lepenici. Kako su se samo obradovale, izmamile smo im osmijeh na licima. Dom se nalazi u prirodi na veoma lijepom mjestu i uslovi su zaista zadovoljavajući. Uz kafu koju su skuhalile ljubazne kuharice evocirali smo uspomene iz Doboža. Naravno i "Foto Hari" nas je uslikao, on nas je i dovezao, jer je i njegova majka u domu. Veoma je pažljiv i veliko mu hvala.

25.septembra Predsjednica "Merhameta" Avdić Faketa prisustvovala je sastanku iz Medžlisa Dobož, na kojem su bile žene predstavnice Džemata na čelu sa predsjednicom prof. Lamijom i glavnim imamom. Diskutovalo se o proteklom aktivnostima i novim projektima takođe, da se više žene pridruži Dobožskom Medžlisu.





Udruženje građana "C.E.Z.A.R." Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

Novi ciklus aktivnosti

02. septembra počeo je novi ciklus aktivnosti u Udruženju građana „C.E.Z.A.R.“. Upisano je oko 150 polaznika od 3 do 18 godina u sljedeće aktivnosti: Ritmička gimnastika, Ples, Hip hop, Mala školica engleskog jezika, Kurs italijanskog jezika, Mali kreativci i Malac hemičarac. Sve aktivnosti se odvijaju u prostorijama udruženja jednom sedmično a sa polaznicima radi stručno obučene mlade osobe.



Volonteri na manifestaciji "Run & More Park"



Volonteri Lokalnog volonterskog servisa Srbač koji aktivno djeluje u okviru Udruženja građana „C.E.Z.A.R.“ dali su svoj doprinos manifestaciji „Run&More Park“ u organizaciji Run&More Community u Banja Luci. Ova manifestacija se održala 7 i 8 septembra u parku Mladen Stojanović u Banja Luci.

Potpisivanje ugovora sa Fondacijom "Mozaik"

12. septembra Udruženje građana „C.E.Z.A.R.“ je u Banja Luci u prostorijama Fondacije Mozaik izvršilo potpisivanje ugovora za projekat „Svi u park!“ Potpisivanjem ovog ugovora otvorila se mogućnost realizacije samog projekta te sređivanja gradskog parka.



Omladinska razmjena „Save our Water“

Naša dugogodišnja volonterka Jovana Janković učestvovala je od 06. do 15. septembra na omladinskoj razmjeni „Save our Water“, u Jasku (Fruška gora) koju je organizovalo Udruženje „Inžinjeri zaštite životne sredine“ iz Novog Sada, zajedno sa mladima iz Srbije, Makedonije, Rumunije i Litvanije. Projekat je finansiran u sklopu ERASMUS + programa.



5. Smotra folklora SKUD „Beli Anđeo“ Srbac



21.septembra polaznici ritmičke gimnastike i članovi Udruženja građana „C.E.Z.A.R.“ bili su gosti na tradicionalnoj 5. smotri folklora SKUD „Beli Anđeo“ Srbac. I ovaj put publiku su oduševili svojim koreografijama.

Uređenje gradskog parka

Udruženje građana „C.E.Z.A.R.“ je 25.septembra, zajedno sa volonterima započelo uređenje gradskog parka, uz finansijsku podršku Opštine Srbac, Fondacije Mozaik i Asocijacije srednjoškolaca u BiH. Inicijativa uređenja parka počela je još prošle godine, nakon uspješnog otvaranja Omladinskog parka na Bolničkom brdu. Udruženje je ove godine pršlo dva projekta kod opštine Srbac u vidu dvije neformalne grupe („Doprinos razvoju kulture“ i „Uređenje gradskog parka“), kao i projekat „Svi u park“ kod Fondacije Mozaik u okviru programa Omladinske banke. Prvom akcijom uređene su staze u parku, a volonteri su napravili i ofarbali i namještaj od paleta, čime su ukazali na značaj reciklaže. U narednom periodu izgrađiće se pozornica, čime će se dati veliki doprinos razvoju kulture, budući da će na taj način Srbac dobiti mogućnost održavanja mnogih kulturnih događaja na otvorenom.



Evropski dan jezika u Udruženju građana „C.E.Z.A.R“

Evropski dan jezika se na inicijativu Savjeta Evrope obilježava još od 2001. godine, svakog 26. septembra. Kao i svake godine udruženje je dalo svoj doprinos obilježavanju ovog datuma, ovaj put druženjem sa profesorom engleskog jezika, Ljubišom Popovićem.



Kreativni petak

U Udruženju građana „C.E.Z.A.R.“ svakog petka održavaju se besplatne kreativne radionice za sve uzraste. Kroz druženje izražavamo kreativnost kod mladih praveći nakit, dekupaž, razne radove na staklu, čestitke i još mnogo toga.





Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo
Tel/fax: +387 33 205 850
E-mail: asubih@yahoo.com
Web: www.asubih.ba

Socijalni dan



Asocijacija srednjoškolaca u Bosni i Hercegovini (ASuBiH) četvrti put zaredom organizuje projekat pod nazivom „Socijalni dan“ koji će se implementirati 18.10.2019. godine u preko 40 lokalnih zajednica širom Bosne i Hercegovine.

Socijalni dan je projekat koji srednjoškolcima na jedan dan daje priliku da zamjene školske klupe radnim mjestima. Na ovaj način srednjoškolci stječu svoje prvo radno iskustvo, pruža im se prilika da teorijsko

znanje napokon primjene u praksi, ali i mogućnost da odlaskom na radno mjesto donesu odluku o njihovom budućem zanimanju.

Projekat sadrži veliki broj korisnih rezultata za zajednicu. Za svako radno mjesto na kojem srednjoškolac volontira, poslodavac je dužan da uplati dnevnicu za tog učesnika u Fond Socijalnog dana. Svrha ovog Fonda jeste da srednjoškolci volontirajući jedan dan prikupe novčana sredstva kojima će se financirati projekti u lokalnim zajednicama. Na ovaj način dolazimo do zadovoljenja potreba mladih i zajednice jer firme ulažu sredstva u svoju zajednicu i njene ambiciozne mlade.

Poziv za učešće u projektu „Forum teatar“

Asocijacija srednjoškolaca u Bosni i Hercegovini (ASuBiH) poziva sve zainteresovane srednjoškolce iz lokalnih zajednica Busovača, Gornji Vakuf-Uskoplje i Stolac da učestvuju u realizaciji projekta pod nazivom „Forum teatar“ koji će se održati u oktobru i novembru 2019. godine u navedenim lokalnim zajednicama.

Učestvovanje u projektu „Forum teatar“ je idealna prilika za sve srednjoškolce iz Busovače, Gornjeg Vakufa-Uskoplja i Stoca za upoznavanje sa osnovama kreiranja i organizacije predstava i razmjene mišljenja, kao i stavova, kroz definisanje osnovnih problema sa kojima se suočavaju u svojim lokalnim zajednicama kao što su:

- Nedostatak kvalitetne praktične nastave u stručnim srednjim školama
- Zastarjeli način odvijanja nastave
- Fenomen dvije škole pod istim krovom
- Nepostojanje adekvatne inkluzivne nastave



Ukoliko ste zainteresovani za procese kreiranja likova, fiksiranja scene, izgradnje priče na pozorišnim daskama ili jednostavno želite podijeliti probleme sa svojim vršnjacima ovo je idealno mjesto i prilika za vas.

Forum teatar jedna je od kreativnijih metoda za aktivno uključivanje mladih u rješavanje kako svojih, tako i problema svojih vršnjaka.

Poziv je otvoren za srednjoškolce iz Busovače/Gornjeg Vakufa- Uskoplja i Stoca, a za samu prijavu nisu potrebni posebni uslovi u smislu obrazovanja, godina ili prethodnog iskustva. Ukoliko želite da učestvujete, družite se i naučite nešto novo dobrodošli ste.

Od sudionika se očekuje rad u skladu sa upustvima organizatora, odgovornost, poštivanje zadanih rokova i prethodnog dogovora.

Konkurs ostaje otvoren do 01.10.2019., a prijaviti se možete popunjavanjem prijavnice.

https://docs.google.com/forms/d/e/1FAIpQLSfBma0efYVwBTc-2TyfjPNaPHggXYf4p0OLjknVhpOUUnppGg/viewform?urp=gmail_link

Svi kandidati biti će kontaktirati u roku od 2 dana nakon zatvaranja konkursa.

Ukoliko imate dodatnih pitanje, nedumica ili tragete za više informacija obratite se na našu Facebook stranicu ili na mail.

Aktivnost „Forum teatri“ je podržano od strane BHRI (Bosnia and Herzegovina Resilience Initiative) projekta.

Rezultati konkursa za uži krug – Upravni odbor 2019/21

Nakon konkursa za prijavu novih članova/ica Upravnog odbora, generacije 2019/2021., Upravni odbor je zaprimio 21 aplikaciju, pregledao sve pristigle aplikacije i izabrao 15 kandidata koji su prošli u uži krug.

Kandidati su poredani po abecednom redu:

- Ademir Čaušević, Bihać
- Adna Rizvan, Bugojno
- Adnana Turkić, Doboj
- Almedina Išerić, Sarajevo
- Amna Kazagić, Goražde
- Arman Ćulah, Tuzla
- Azra Sorguč, Visoko
- Emil Karajić, Velika Kladuša
- Emin Brkić, Kakanj
- Irma Rešidović, Brčko
- Ivana Mičić, Modriča
- Jovana Jotanović, Teslić
- Sabahudin Mekić, Busovača
- Samir Salkić, Cazin
- Stevan Josipović, Šamac

Izabrani kandidati će imati priliku predstaviti se na XII Generalnoj skupštini koja će biti održana od 11. do 13. oktobra, u hotelu “Hollywood” u Sarajevu.

Kandidatima koji nisu prošli dalje zahvaljujemo na prijavi i želimo im puno sreće u nastavku priče zvane ASuBiH! <3





PRONI Centar za omladinski razvoj

Ul. Hadži Vasvije Zejčirović 5, 76100 Brčko distrikt BiH

Tel./Fax: +387 49 217 695

E-mail: info@pronib.ba

www.proni.ba

„BHRI093 – Where Youth isn't Wasted on the Young: Zenica Youth Center“



U prostorijama Omladinskog centra Brčko distrikta BiH i Omladinskog centra Zenica održan je trening u okviru projekta „BHRI093 - Where Youth isn't Wasted on the Young: Zenica Youth Center“ koji implementira PRONI Centar za omladinski razvoj a koji je podržan kroz IOM BiH - BHRI inicijativu.

Trening je imao za cilj da upozna i edukuje predstavnike omladinskih organizacija, kao i zainteresovanih pojedinaca, koji namjeravaju da pokrenu Omladinski centar Zenica o metodama i dobrim praksama rada u Omladinskim centrima, o Standardima kvalitete rada u omladinskim centrima u cilju uspostave Standarda kvaliteta rada, praćenja i vrednovanja rada u omladinskom centru kao i definisanje ciljeva i karaktera Omladinskog centra te menadžmenta centra i njegove

promocije u cilju otvaranja prema javnosti.

Otvoren PRONI Omladinski klub Banja Luka

PRONI Omladinski klub Banja Luka svečano je otvoren!

Četvrti u nizu PRONI Omladinskih klubova kojeg kao partneri otvaramo u sklopu #STaRBiH projekta kojeg sprovodi Karuna Center for Peacebuilding, uz podršku USAID Bosnia and Herzegovina.

Veliko hvala Grad Banja Luka i projektu "Banja Luka ljudskog lica", kao i partnerskim organizacijama: OKC Banjaluka, Perpetuum Mobile, Omladinski savjet Republike Srpske, Zdravo Da Ste OC, M.O.C.A.R.T., Dis Teatar Banja Luka, Dom Omladine, Cerebra NGO, American Corner Banja Luka, Leži Begi kao i svim volonterima i aktivistima koji su pomogli da se ova ideja realizuje.

PRONI je ove godine postao i jedina organizacija sa Balkana koja je članica ECYC - European Confederation of Youth Clubs.

Radujemo se nastavku rada mladih i sa mladima grada Banja Luke.



Youth Express Network

U periodu od 12. do 15. septembra smo u Ankari prisustvovali sastanku upravnog odbora Youth Express Network.

PRONI Centar je dugogodišnja članica #YEN mreže i nakon nekoliko godina pauze, od augusta 2019. opet imamo predstavnicu u upravnom odboru mreže.

Vizija oko koje se #PRONI i #YEN slažu je: "Inkluzivno društvo za mlade ljude" pod kojim smatramo da je to društvo gdje su mladi ljudi, njihove potrebe i učešće prepoznati, vrednovani i cijenjeni.

Tokom ovog sastanka imali smo priliku razgovarati s mladima iz Ankare i volonterima #YFU Turska, koje smo ih upoznali s radom upravnog odbora, aktivnostima u našim matičnim organizacijama i čuli s kojim se izazovima mladi u Ankari susreću.

Hvala kolegama iz organizacije Youth for understanding Turska na gostoprimstvu i ustupanju prostorija za potrebe sastanka.



Napredni trening na Bjelašnici

Članovi CAT tima ispred PRONI Centra za omladinski razvoj i Omladinskog resursnog centra Tuzla prisustvovali su naprednom treningu za 10 članova tima na Bjelašnici koji se održao u periodu od 12. do 16. septembra.

Mladi su radili na temama digitalnih alata u izgradnji mira, nasilnog ekstremizma u globalnom kontekstu i nasilni ekstremizam u kontekstu BiH i izgradnja mira i kreiranje nekonvencionalnog sadržaja za društvene mreže.

„Zajednička priča“

PRONI Center for youth development postao je članica neformalne Mreže "Zajednička priča", koja okuplja predstavnike/ice vladinih i nevladinih organizacija, institucija, grupa i pojedinaca koje imaju interes i spremnost da dio svojih resursa ujedine u djelovanju na poboljšanje stanja marginaliziranih grupa na području Grada Mostara, sa posebnim naglaskom na najranjivije kategorije djece i porodica.

Drago nam je da su SOS Dječija sela BiH, kao koordinator mreže, i ostale članice/ovi prepoznali rad #PRONI Centra i omogućili nam umrežavanje i prostor za zajedničko djelovanje.

Prvi sastanak, nakon ljetne stanke, održan je 18.08.2019. u novootvorenom restoranu "Lonato", koji se nalazi u prostorijama članice mreže, Centar za djecu i omladinu s posebnim potrebama "Los Rosales" Mostar. Uvijek smo tu da podržimo pozitivne i društveno korisne inicijative u zajednici. Uspješan rad želimo ekipi okupljenoj oko ove inicijative.

Sastanku je prisustvovala koordinatorica #POKMostar Adina Halilović, koja je predstavila strateške pravce djelovanja #PRONI Centra i programe koje realizujemo na lokalnu, te pozvala članice da nas posjete i pridruže u realizaciji budućih aktivnosti kluba.

Članice su usaglasile neke zajedničke aktivnosti tokom obilježavanja predstojeće "Dječije Nedjelje", kao i termin treninga o komunikaciji namijenjen svim članicama mreže.

„Budi Muško Klub“ Zenica

PRONI Centar za omladinski razvoj kroz projekat koji implementira za prevenciju protiv nasilja među srednjoškolcima Budi Muško Klub Brčko, zajedno sa učesnicima iz Tuzle i Banja Luke, podržao je otvaranje Budi Muško Kluba Zenica.

Učesnici su zajedno radili na promotivnoj kampanji koja se održala u Zenici. Osim toga, prisustvovali su prezentaciji kratkog filma i razgovarali sa poznatim reperom Marchelom o temama radikalizma i ekstremizma.

Projekat Budi Muško Klub je podržan od strane CARE International.

„Situacija i perspektiva ekonomskog potencijala Brčko Distrikta BiH“

PRONI Centar za omladinski razvoj prisustvovao je okruglom stolu na temu "Situacija i perspektiva ekonomskog potencijala Brčko distrikta BiH" na kojem su prisustvovali predstavnici Privredne komore, Udruženja poslodavaca, Zavoda za zapošljavanje, predstavnici banaka kao i privrednici sa područja Brčko distrikta BiH.

Okrugli stol održan je u susret 3. Biznis forumu, koji će se održati od 3. do 5. oktobra. Tema Biznis foruma ove godine je "Dijaspora za partnerstvo".

PRONI Akademija Omladinskog Rada Neum

Polaznici #PRONI Akademije Omladinskog rada iz Bijeljine, Mostara, Sarajeva i Banja Luke od 26. - 30.09. uspješno su završili četvrti i peti modul - Transformacija konflikta i prevencija nasilnog ekstremizma.

#PAOR je program koji se realizuje u #PRONI Omladinskim klubovima širom BiH i traje 12 mjeseci.

Učesnicima su imali priliku da se upoznaju sa Amrom Pandžom - direktoricom STaR projekta i Mirjanom Valjevac - predstavnicom USAID Bosnia and Herzegovina.

Akademija se odvija u sklopu #STaR BiH projekta, kojeg realizuje Karuna Center for Peace building uz podršku USAID Bosnia and Herzegovina.



Pozivi za učesnike:

NEUM: poziv za učesnike/ce - PRONI Akademija Omladinskog Rada – Modul 4 i 5

"Moja priča sa SFF-a" (POK Mostar)

„Promocija zdravih životnih stilova kod mladih „ (POK Sarajevo)

„Politički sistem Bosne i Hercegovine – (Ne)moguća misija“ (POK Sarajevo)

"Samopouzdanje - pobjeda prije početka" (POK Sarajevo)

"Partnerski odnosi u emotivnim vezama" (POK Sarajevo)

"Dare to dance" (POK Sarajevo)

"Pomoć mladima bez roditeljskog staranja" (POK Sarajevo)

"Političko učešće mladih" (POK Sarajevo)

„Menadžer društvenih mreža “ (POK Sarajevo)

Više o pozivima i ostalim informacijama možete pronaći na www.proni.ba

Aktivnosti PRONI Omladinskih klubova:

POK Banja Luka

- podržao je i ugostio radionicu "Mladi u dijalogu" koju je organizovao Youth for Peace uz podršku Regional Youth Cooperation Office - RYCO i OSCE Mission to Bosnia and Herzegovina

POK Mostar

- Održan je sastanak sa Senadom Suljićem, direktorom Centra za kulturu Mostar.
- Ugostili smo predstavnike UG "Nasa Djeca - Our Kids u BiH".

POK Bijeljina

- Održana je radionica o zaštiti podataka na internetu. Na radionici su učestvovali mladi iz raznih omladinskih organizacija koji su imali dodira sa upravljanjem podataka njihovih učesnika.
- Održan je treći modul PRONI Akademije omladinskog rada

PRONI Omladinski klubovi su otvoreni sklopu #STaRBiH projekta kojeg sprovodi Karuna Center for Peacebuilding uz podršku USAID Bosnia and Herzegovina.



INFORMACIJE / DONATORI / POZIVI

Javni poziv za prijavu malih lokalnih projekata za 2020. Godinu

Ambasada Republike Češke u Bosni i Hercegovini sa zadovoljstvom objavljuje godišnji poziv za podnošenje zahtjeva za male lokalne projekte 2020. godine. Termin za prijavu projektnih prijedloga je 18.10.2019. godine.

Mali lokalni projekti su sastavni dio razvojne saradnje Republike Češke u Bosni i Hercegovini i implementiraju se programom grantova kojim upravlja Ambasada Republike Češke u Sarajevu.

Uslovi za podnošenje zahtjeva za male projekte za 2020. godinu su sljedeći:

- Podnositelj zahtjeva mora biti registrovana pravna osoba u Bosni i Hercegovini, čija osnovna djelatnost nije dobit (npr. nevladine organizacije, udruženje građana, akademske ustanove koje rade na lokalnim projektima; organizacije i agencije, koje svoje aktivnosti usmjeravaju na lokalni razvoj (npr. LAG). Podnositelji zahtjeva ne mogu biti državni organi, političke stranke ili pokreti.
- Podnositelj zahtjeva može predati samo jedan projektni prijedlog.
- Projekti se trebaju usmjeriti u sektoru Ekonomskog rasta sa naglaskom na energije iz obnovljivih izvora i sektor održivog korištenja prirodnih izvora.
- Kriterij za ocjenjivanje je sofisticiraniji / ambiciozniji projekat koji bi uključivao element povećane zaposlenosti, socijalne uključenosti i / ili obrazovni element.
- Visina granta: 250 000 CKZ -500.000 CZK (cca 19 000 – 38 000 KM), a iznos treba biti zaokružen. Grantovi se isplaćuju u KM. Ukupni iznos osobnih i putnih troškova, eventualno osiguranje i slično ne smije prelaziti 25% ukupnih troškova.
- **Finansijsko učešće** u projektu je minimalno **30% od ukupne vrijednosti projekta (finansirane aktivnosti trebaju biti jasno navedene u formularu u bodu 6. – Projektne aktivnosti, tako da je jasno koji će dio projekta korisnik pokrivati svojim učešćem).**
- Implementacija projektnih aktivnosti je od **marta do 31. oktobra 2020.** godine. (Projekat mora biti završen i isplaćen do 31.10.2019. godine).
- Zahtjev sa projektnom idejom mora biti dostavljena identifikacijskom formularu **18.10.2019. godine do 12:00 sati.** Svi zahtjevi dostavljeni nakon ovog termina će biti strogo odbijeni. Zahtjev moraju biti dostavljen u papirnoj i elektronskoj formi i mora imati: Identifikacijski formular ispunjen na engleskom ili češkom jeziku, popunjen na kompjuteru, ovjeren i potpisan od strane ovlaštene osobe. Ukoliko nije javna institucija, mora se uz identifikacijski formular dostaviti kopija potvrde o pravnoj registraciji podnosioca zahtjeva (pravne osobe) i dokument koji potvrđuju da je osoba, koja je potpisala formular ovlaštena zastupati, predstavljati i potpisati ugovore u ime podnosioca zahtjeva (pravne osobe).

Papirna verzija mora biti DOSTAVLJENA na adresu:

Razvojna saradnja
Ambasada Republike Češke
Franjevačka 13
71 000 Sarajevo

I u elektronskoj verziji (potpisano i skenirano) na: development_sarajevo@embassy.mzv.cz.

Za dodatna pitanja obratite se Odjeljenju za razvojnu saradnju Ambasade Republike Češke u Bosni i Hercegovini (tel. 033 587 052) ili pošaljite e-mail na development_sarajevo@embassy.mzv.cz

Više informacija:

https://www.mzv.cz/sarajevo/bs/Razvojna_saradnja/mali_lokalni_projekti/x2019_09_26_vyzva_k_predkladani_navrhu_na_male_lokalni_projekty_2020.html

Prijavite se za fond za novinarke

Raspisan je konkurs za prijavu za IWMF G. Howard Buffet fond za žene novinare. Mogu se prijaviti kandidati iz svih država svijeta. Prosječna visina bespovratnih sredstava je 10.000 američkih dolara.

OBLAST: Novinarstvo

OPIS: Prijavite se za IWMF G. Howard Buffet fond za žene novinare 2019. Promocija rada i unaprijeđenje uloge žena u novinskim medijima širom svijeta je od velike važnosti za transparentnost i raznolikost glasova. Howard Buffet fond za žene novinare, prva inicijativa tog tipa omogućuje IWMF-u da dramatično proširi podršku ženama novinarima. Osnovan sa donacijom od 4 miliona dolara od stranFondacije Howard G. Buffet, fond podržava projekte, uključujući i prilike za obrazovanje, istražno izvještavanje i inicijative za razvoj medija. Fond je osnovan da pomogne ženama novinarima iz cijelog svijeta, pružajući finansijsku pomoć:

- za predstavljanje kritičnih problema u svijetu o kojima se malo izvještava.
- za rad na ambicioznim projektima koji ispituju tradicionalne medijske priče.
- unaprijediti stručnost u oblasti i osnažiti karijeru.
- ići na obuku za kritične vještine i šanse za liderstvo.
- pokrenuti preduzetničke projekte ili steći vještine za to.

USLOVI: Mogu se prijaviti žene novinari iz svih država svijeta. Prosječna visina bespovratnih sredstava je 10.000 američkih dolara.

NAČIN PRIJAVE: Kako biste se prijavili ispunite onlajn aplikacionu formu na <https://www.iwmf.org/our-programs/faqs-fwj/> i na <https://www.iwmf.org/our-programs/grant-application-guide/>

ROK ZA PRIJAVU: 10. oktobar 2019. Godine

Detaljnije na: <https://www.iwmf.org/programs/fund-for-women-journalists/>

Javni poziv za predaju projekata u sklopu UNDP-ovog regionalnog projekta o ratnim zločinima (RWC)

RWC projekat poziva sve organizacije civilnog društva – (OCD)/nevladine organizacije (NVO) – iz Bosne i Hercegovine, Crne Gore, Hrvatske i Srbije da dostave prijedloge projekata koji su u skladu s općim ciljem projekta iz sljedećih prioriternih oblasti:

1. Omogućavanje aktivnog učešća žrtava i svjedoka u procesima za ratne zločine uključujući omogućavanje učešća žrtava u procesima suđenja u svojstvu svjedoka ili žrtava (oštećena strana) ili da posmatraju suđenja koja se odvijaju u susjednim zemljama ili suđenja sa prekograničnim elementom,
2. Javno zagovaranje u ime individualnih žrtava ili posebnih grupa žrtava, uključujući i njihovo predstavljanje, da konkretni ratni zločini budu procesuirani,
3. Pružanje psihološke i druge podrške (logističke, pravne, informativne) žrtvama ratnih zločina tokom njihovog djelovanja u kapacitetu svjedoka ili žrtava (oštećene strane) tokom postupaka,
4. Zastupanje i/ili pružanje pravne pomoći žrtvama koje se pojavljuju u postupcima u predmetima ratnih zločina kao oštećena strana,

5. Zastupanje i/ili pružanje pravne pomoći žrtvama u postupcima pred sudovima za naknadu štete (kompenzaciju) a nakon suđenja za ratne zločine.

Sredstva za odobrene projekte iznositi će od 5,000 EUR – 30,000 EUR. RWC projekat zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije. Dužina trajanja svakog projekta može biti od 6 do 12 mjeseci. Izabrani projekti trebalo bi da se provedu u periodu od decembar 2019. do novembra 2020. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD-e i NVO-e (udruženja/udruge ili fondacije), u skladu s važećim zakonskim propisima u gore navedenim zemljama. Sve zainteresirane organizacije civilnog društva detaljne informacije o uslovima za prijavu/apliciranje i kriterijima za finansiranje projekata mogu pronaći u smjernicama za podnosiocima projekata u okviru javnog poziva.

PREUZIMANJE DOKUMENTACIJE:

Dokumentacija za prijavu na Javni poziv za RWC projekat može se preuzeti od *17. septembra 2019. godine (utorak)*, slanjem zahtjeva sa nazivom zainteresirane organizacije na e-mail: registry.ba@undp.org. Sve potrebne informacije i elektronska verzija cijelog paketa prijavne dokumentacije može se naći i na službenim web stranicama UNDP-a (<http://www.ba.undp.org>, <http://www.rs.undp.org> i <http://www.me.undp.org>). Pitanja u vezi s javnim pozivom mogu se postaviti putem e-mail adrese registry.ba@undp.org, s naznakom „za javni poziv po RWC projektu“. Pitanja se mogu postavljati do četiri radna dana prije isteka roka za dostavljanje aplikacija. Odgovori na upite bit će dostavljeni u pisanoj formi u roku od 3 radna dana od primitka upita. Odgovori na upite će zbog transparentnosti biti proslijeđeni svim potencijalnim podnosiocima prijedloga ili javno objavljeni na web stranici.

PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) mora se dostaviti **u tri (3) primjerka u štampanoj formi i u jednoj elektronskoj kopiji (CD ili USB)** u zatvorenoj koverti preporučenom poštom ili lično tokom radnih dana (ponedjeljak-petak), u periodu od 08:00 do 17:00 sati, na sljedeću adresu, sa naznakom „za javni poziv RWC projekta: UN zgrada, Zmaja od Bosne bb, 71000 Sarajevo, Bosna i Hercegovina. Elektronska kopija mora minimalno sadržavati obaveznu projektnu dokumentaciju (projektni prijedlog, pregled budžeta, matricu logičkog okvira i plan aktivnosti i promocije).

Rok za predaju aplikacija/prijava je **14. oktobar 2019. godine, u 17:00 sati**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Vanjska strana koverta mora sadržavati naziv poziva za predaju prijedloga projekata, puno ime i adresu podnosioca projekta, puni naziv projekta i navod **“Ne otvarati prije zvaničnog otvaranja”**. O primljenoj pošiljci RWC projekat će voditi urednu evidenciju i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi s njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na navedenim web stranicima.

Prijavite se za takmičenje u nacionalnoj poeziji

Raspisan je konkurs za Takmičenje u nacionalnoj poeziji. Mogu se prijaviti kandidati iz svih država svijeta starosti od 17 godina i više. Nagrade za prvo, drugo i treće mjesto iznose 5000, 2000 i 1000 funti.

OBLAST: Poezija

OPIS: Jedno od najvećih pjesničkih takmičenja na svijetu pod nazivom Takmičenje u nacionalnoj poeziji biće otvoreno za sve kandidate starosti od 17 godina i više. Nagrade za prvo, drugo i treće mjesto iznose 5000, 2000 i 1000 funti.

USLOVI: Mogu se prijaviti kandidati iz svih država svijeta starosti od 17 godina i više. Poema/pjesma ne smije biti objavljena nigdje prije takmičenja. Poema mora biti na engleskom.

NAČIN PRIJAVE: Kako biste se prijavili ispunite online aplikacionu formu na [linku](#).

ROK ZA PRIJAVU: 31. oktobar 2019.

Detaljnije na [linku](#).



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
**Omladinski resursni centar
Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

Urednik Biltena:
Mirela Biković

*Prevod Biltena na engleski:***Emir
Karamujić**

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com